

Konkomba - Sɔŋ Uwumbor Aagbaŋ - Comfort Scriptures

2 Korint Yaab 1:2-4 Tite Uwumbor ni Tidindaan Yesu Kristo ɳa tinoor ɳa ni pu, ki tii nimi nsuudoon. 3 Cha ti pak Uwumbor u ye Tidindaan Yesu Kristo Aate na. U ye Tite u san timi kinimbaak sakpen ki sɔŋ tisui na. 4 Timi aafalaa mɔmɔk ponn ni u sɔŋni tisui, ke ti mu ga ɳmaa sɔŋ binib bi bi falaa mɔmɔk aabɔŋ ni na aasui. Ti mu ga sɔŋ bisui ke Uwumbor aah sɔŋ tisui pu na.

Diyataŋak 15:13 Binib aasui yaa piin kan, bi laa ɳimɔmumuk la, le bisui yaa bii kan, bi kpa kinimbaak.

1 Bibɔrb 8:66 Winiin daal le Solomonn nan cha binib ngbaan kun. Bi mɔmɔk nan pak u, le ki kun, ki kpa mpopiin, Uwumbor aah nan di tinoor ti mɔmɔk tii waatutunn David, ni waanib Israel yaab na pu.

1 Bibɔrb Aabɔr 16:10 Taah ye waanib pu na, cha tisui li piin man. Cha binib bimɔk dooni u na li kpa mpopiin.

Diyataŋak 12:25 Ilandak yaa muk si kan, saan li kpa mpopiin, le ilinsoon ga ɳmaa tii si mpopiin.

Diyataŋak 13:12 Limakl yaa ti doo kan, lipobil mu doo le na, le aa yaa dak tiwan pu aan ki kan ni kan, mmɔɔn ti ku si la.

Aisaya 30:26 Uŋmal ga li wiin ke nwiin na, le nwiin ga moo woln ki jer mu aah ti wiin pu na, ki naahn ke iwiin ilole le aah di kpaan ki wiin nwiin mubaa daal na. N-yoonn mu Uwumbor ga poo waanib aabuun i u tii bi aan i yann na, le nimina mɔmɔk ga ɳa.

Hosea 13:8 M ga tak nimi ke kipeewanbiik ki aabim wɔŋ na, le ki daa par nimi. M ga di nimi ɳmɔ mala ke uchinn na libuul ngbaan ni, ki daa par par nimi ke kipeewanbiik na.

1 Samuel 1:8-10 Le uchal Elkana ga ti baa u ke, "Hana, ba ɳa si aa wii? Ba ɳa saan ji tijikaar? Ba ɳa aasui bii kina? Maa jer mbim kipiik aa chee ee?" Nwiin mubaa daal, baah jin baajikaar doo Uwumbor aadichal ponn ni, Silo aatiŋ ni na, le Hana fii. Usui nan bii sakpen, le u bi mee Uwumbor ki wii mpombiin pu. N-yoonn ngbaan, utotoor Eli nan ka waakakaa chee mbisamɔb.

Ilahn 25:16,17 Uwumbor, fenn lik mi, ki san mi kinimbaak, ba pu? ubaa aa bi m chee, le nwon yɔl. 17 Nyan mi maalandak ni, ni maabɔbir mɔmɔk ni.

Ilahn 34:18 Dɔmin binyamɔndam aafuuk, ɳmin bigaadam ni bimakdam bi len bininyaam bɔfam na aafuuk.

Ilahn 38:8 Nwon mɔmɔk kpo, le m lir kookoo, nsui mɔmɔk bii a, le m ker iween aadun.

Ilahn 55:4 Ijawaan le joo mi, le nkun aajawaan ku mi.

Ilahn 61:2,3 Buyoonn maa bi linampal aan nsui bii na, le m yin si. Di mi buen mbɔbɔryaan mu ɔjan na chee, 3 ba pu? sin le ye u kii mi na, ki ye u pɔɔ ki kii mi maadim chee na.

Ilahn 62:8 Maanib, tii Uwumbɔr naadii n-yoonn mɔmɔk man. Bui u nimi aamuk mɔmɔk man, ba pu? uma le ye timi aabɔbɔryaan.

Ilahn 73:26 Nibaakan, maalandak ni nwon ga yɔl, le Uwumbɔr ma ye maapɔɔn; uma le ye tiwan ni m ban n-yoonn mɔmɔk na.

Ilahn 77:2,3 Limukl yoonn le m mee Uwumbɔr. Kinyeek ni kitaak aawoln pu, m yoor ɔŋjaal paacham le ki mee u, le kaa tee kani nsuudoon. 3 M yaa ka ki dak Uwumbɔr aabor kan, le m faa linjuun; m yaa ka dak suuna kan, le nwon yɔl ti lir.

Ilahn 86:11 Uwumbɔr, mɔk mi saah ban ke m tun pu na, le m ga kii saamɔb mbamɔm; mɔk mi saasan aan m di nsui mɔmɔk tun saatuln.

Ilahn 109:22 M ye ugiin le kaa kpa nibaa, maamuk ti dɔ nsui ni taab taab la.

Ilahn 112:7,8 Bi yaa tuk u nsuubiin aabor kan, naa chur u ijawaan; u kpa gaakii u pɔɔ na, le ki kpa Uwumbɔr pu limakl. 8 Waa san ijawaan, le nibaa aa muk u; u ga sil kan ke waadim lir.

Ilahn 143:4 Kina pu na, m gor ke m di cha la, ntaakpab yɔl kookoo a.

Ilahn 147:3 U sɔŋni binib bi aasui bii na aasui, ki poo biini baabuun pu.

Diyataŋak 14:30 Nsuudoon le tii tiwon laafee, le lipiipoln bi ke mbunkpok na.

Ulandaan 1:13 M nan puu ke see m tɔŋ ki bae lik tiwan ni mɔmɔk ɔjani dulnyaa wee ni na. Uwumbɔr di mbimbin mu kaa ɔjan na le di tii timi.

Ulandaan 2:10 M nan kani tiwan nimɔk m ban na. M nan ji mmɔɔn maah gee pu na la. M nan mak maah tun ki kan tiwan ni mɔmɔk na pu. Nimina mɔmɔk nan ye maapar la.

Ulandaan 2:22,23 Aa ga muk aabaa le ki tun dulnyaa wee ni, le kaa nan kpa tinoor tibaa. 23 N-yoonn mumɔk aa bi limɔfal ni na, saatuln mɔmɔk joo ni limukl ni iyileen la. Hali kinyeek kan, saa ɔjmaa doon ki fuur. Ni mɔmɔk ye fam la.

Ulandaan 11:10 Taa cha tiwan nibaa li muk si ki tii si iween. Saapɔɔn aan ki yunn sakpen.

Aisaya 30:29 Le nimi Uwumbɔr aanib ga li kpa mpopiin ki gaa ilahn ke naah ɔjani pu kinyeek ki ni ji Uwumbɔr aajim mubaa na. Ni li kpa mpopiin ke binib bi waa kulufeen aawaal ki cha Uwumbɔr u ye Israel yaab aakikiir na Aadichal ni na.

Aisaya 57:15 "Min le ye paacham Aawumbɔr u bi chain ki bi n-yoonn mɔmɔk na. M bi nin chee paa ki bi chain na la, le ki mu ki bi binib bi sunn bibaa taab aan

bisui bii buyoonn bi bee ke bi tun titunwanbir na chee, le m ga ηmaa giin baamakl m pu tii bi.

Aisaya 65:14 Bi ga di mpopiin gaa ilahn, le nimi aasui ga bii.

Aisaya 66:13,14 M ga sɔŋ nisui, Jerusalem ni, ke upii aah sɔŋni waabo aasui pu na la. 14 Ni yaa kan nimina ɳa kan, ni ga mɔɔr nimi ki tii nimi mpoɔɔn ni laafee. Le ni bee ke min Uwumbor ter binib bi kii maamob na, ki mɔk maadim maaŋjuul."

Jeremia 15:16 Aa len m chee tibor le m pel ki ɳun ti mɔmɔk. Tidindaan Uwumbor Mpoɔɔnsakpiindaan, m ye sin yoo la, le saabor tii mi mmɔɔɔn, ni mpopiin.

Jeremia 24:7 M ga tii bi lineen li ga cha bi bee ke min le ye Uwumbor na. Baah ga gir ni m chee ni bisui mɔmɔk pu na, le ga cha bi li ye maanib, le m mu ga li ye Baawumbor.

Jønn 14:1 "Ni taa cha ilandak li muk nimi. Ni gaa Uwumbor ki kii man, ki gaa m mu ki kii man.

Jønn 14:27 "M tii nimi nsuudoon la. Maah kpa nsuudoon pu na, kina le m tii nimi. Dulnyaa aawan aa ηmaa tii nimi nsuudoon ke maah tii nimi pu na. Ni taa cha ilandak li muk nimi, ki taa san ijawaan man.

Jønn 16:6 Maah bui ke m ga buen cha nimi na, nima pu le nisui bii sakpen.

Jønn 16:22 Ni bi kina le ni mu chee. Dandana, ni kpa mpombiin la. M ni nimi ga nan ki kan tɔb, le ni ga li kpa mpopiin. Ubaa aan ηmaa nyan mpopiin ngbaan nisui ni.

Lituln 2:46 Idaa mɔmɔk bi nan kuuni Uwumbor Aadichal ni, ki kpaani bido ki ji tijikaar, ki pak Uwumbor, ki kpa mpopiin, ni tibulchinn. Le binib mɔmɔk pak bi. Tidindaan nan joo binib bi ɳmar na kpae waanib pu idaa mɔmɔk la.

Rom Yaab 9:2 M kpa mpombiin sakpen. Nsui bii n-yoonn mɔmɔk, mmaal aanaabitib Juu yaab pu la.

2 Korint Yaab 2:4 Maah nan ηmee kigbaŋ ngbaan m tii nimi na, nsui nan bii sakpen. M nan wii pam. Maa nan ηmee kigbaŋ ngbaan ke m tii nimi mpombiin, m nan ban ke ni bee maah gee nimi sakpen pu na la.

Efesus Yaab 5:19 ki li gaa Uwumbor aalahni ilahn i bi waagbaŋ ni na tɔb chee man, ki li yikr tiwanyikrkaan, ki gaa ilahn tii Tidindaan, ki pak u nisui ni.

Pastor T. John Franklin
Church of Salvation, Healing, and Deliverance
COS-HAD.org